



UNIVERSITÄTS-
BIBLIOTHEK
PADERBORN

Mariae Virginis Sacratiss. Miracvlorvm Libri Tres

Vismara, Ercole

Mediolani, 1579

Miracvlvm Primvm. Regina coeli auxilium affert, cuiusdam Imperatoris uxori, quae innumerabilib. malis, & angustijs circumuallata erat.

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

103
MIRACVLORVM

VIRGINIS

LIBER. SECVNDVS

AB. HERCVLE. VINCEMALA

latinè scriptus.

MIRACVLVM PRIMVM

*Regina coeli auxilium affert, cuiusdam Imperatoris uxori,
quae innumerabilib. malis, & angustijs circumuallata erat.*



ROMANVS Imperator, cui pudicissima erat, & nobilissima uxor, maximo desiderio accensus fuit Christi sepulchri, & aliorum locorum, quae religione ueneranda erant, uisendorum. Reb. omnib. ad peregrinationem comparatis, adprobante uxore, quam interim germano fratri commendarat, discessit. At perfidus frater, à mulieris eleganti forma oculos minimè continens, adeò eius insano amore correptus est; ut pudoris freno perrupto, non ueritus fuerit, illi palam proferre, quàm turpi flamma exarderet. Ab eius honestate propugnanda cum minimè animum posset cohibere; & iam pluries eius furores castissima matrona repressisset, tandem, ut se ab illa molestia eximeret, ipsa dixit diem, qua simulauit, se uelle nefarij amatoris libidini

dini

dini obsequi. altam igitur turrim preciosa suppellectile parari, ministrosq. ibi adesse iussit. Aduenerat iam praestitutum tempus, quo clam, & priuatim turrim conscendere oportebat; & quo constantiam pudicissimi animi scelestus uinci posse, pro certo habebat. Verum, cum ipse prior turrim ingressus fuisset, illo ibi dedita opera, una cum ministris, qui inferuissent in cluso, Imperatoris pudica uxor ad urbem, & imperij gubernacula animum adiunxit; sub cuius imperio Romae usq. ad mariti reditum solida pax, & tranquillitas data est. Abfuit Imperator integrum quinquennium; cuius aduentus cum appropinquaret ipsa edixit, ut illi primores, ac nobiles omnes obuiam congregerentur. Vrbe maximo apparatu mirifice ornata, leuimum e carcere emisit, uti fratris aduentum & ipse honestaret, & hilariter exciperet. illum squalidum uidens Imperator, quinam illud euenisset, percunctatus est. At scelestus falsi criminis culpam in castissimam feminam, fictas lacrymas exprimens, transtulit; seq. in turrim detrusum fuisse aiebat, quod immoderatam eius libidinem explere noluisse; quae se se omnib. passim prostituere consueuerat. Illis uerbis paene exanimatus est Imperator. Postero die, ubi Romam aduenit, aduentum uxor gratulas, illum amplexari, & osculari coepit. Sed ipse illi in faciem pugnos impingens, eam e conspectu iussit abire; seruisq. imperauit; ut illam quandam in insulam perductam ibi enecarent. Postquam ad eum locum deuenire, in quo miserae uita erat adimenda, carnifices eius pulchritudine capti, antequam occideretur, castissimam feminam turpis a dulterij probro inquinare statuerant.

statuerant. Sed ipsa moestas querelas ex imo pectore profundens, ad Deum, Virginemq. statim manus extulit. Quare illi subito diuinitus auxilium allatum est. Illac. n. nobilissimus heros pertransijt, qui Romae uisis sanctissimis Apostolis, peregrè domum redibat. Is, ubi mulierem, pro pudicitia acriter cum scelestis decertantem uidit, eam ex illorum manib. eripuit. Infelix se eius uiri potestati totam addixit; modò illinc, integra castitate, liceret discedere. Ea re impetrata, tanti boni auctorem, illum heroem sequitur; & ab eius uxore humanissimè excipitur, eiq. alendus, & educandus filius datur. Haec tota in Dei cultum cōuersa, creditum sibi puerum, loco filij amabat. Neq. uerò hic immoderata Satanae libido repressa est; qui nullum finem facit insidiarum miserae collocandarum. Eam. n. deperire incipit ipsius heri frater; qui nihil intentatum relinquebat, ut cum ea matrimonio iungeretur, eiusq. animum quotidie pollicitis flectere studebat. Illud autem à muliere responsum tulit: quia herilis frater erat, non posse non à se puro, ac sincero animo amari; sed esse à nuptijs mente penitus aliena. Videns ergo, se non posse ulla uia, quod cupiebat, capere; crudele consilium contra miserā inire incepit: ut uel è fraternis aedib. extruderetur, uel maximum aliquod eius uitae periculū inferretur. Quare, impio Satana duce, & impulsore, noctu, cum omnes graui somno oppressi in utramq. aurem dormirent; ad illam dormientem accessit, eiusq. in amplexu, & sinu fratris filium crudeliter iugulauit. ibiq. in mulieris manu gladio relicto, abiit. Fluebat in lecto sanguis, quo ea imbuta, somno soluta est; & mortuum

tuum puerum reperiens, clamore aedeis repleuit. Cum tota familia illuc parentes concurrentes, qui mortuum, & cruore conspersum filium propè mulierem inuenere, quo animo esse deberent, conijcite. Demum & ipse caedis auctor aduenit, sicè lacrymas, uixq. ab innocentissima potuit manus continere. Sic ergo ita fratrem allocutus est. Tu scelestam hanc alibi morti ob innumerabilia scelera iudicatā huc adduxisti; nunc uides, quam dignum tibi praemium re- pendatur. Tu eam nunc sines impunè abire? neq. improbissimam, ac crudelissimam, uti promeretur, comburendam statues? Verum tam spectata fuit in illo uiro, & uxore clementia, ut minimè, pro scelesti amatoris libidine, contra illam saeuire uoluerint. Eā iccirco in proximo portu nauatae crediderunt; ut in disiunctas regiones adueheretur. E portu soluta nauis, iam in altum longè abscesserat, cum eius pulchritudine nauatae allecti, blanditijs, ac minis, omnia obnixè fecerunt; ut illam in sententiam suam traherent. Quia autem uidebant, constāti matronae animo decretum esse, ut potius moreretur, quàm ulla afficeretur labe; eam propè littus in eminenti loco collocarunt; solaq. ibi deserta est; ubi totam noctem iacens, inedia fessa, & quia ad multam noctem uigilarat, postero mane somno opprimitur. Visa est ergo, ita loquentem Virginem audire. postquam tot mala perpessa es, ut tectam ac puram castitatem conseruares; scito, neminem posthac ullo tempore tuam pudicitiam attentaturum: efficiamq. ut omnib. innotescat, contra te latas sententias, semper fuisse iniustas. Collige igitur ex hac herba, super qua procumbis; cuius suc-

[]

O

cum

cum quicumq. biberit, Christi nomine prius inuocato, si forte is elephantiaci morbo laborauerit, illo emundabitur; ita ut Deum medicinam fecisse iudices. experrecta mulier, illo infomnio laetissima, Virgini gratias agens, ex illa herba cuius nunquam simile uiderat, tantum collegit, quantum satis erat, ad chirothecas implendas. Paullò post illac quidam naui transeuntes, quasi à Deo missi, matronae oris augustam effigiem contuentes, auditaq. eius calamitate, miseratione adducti illam in proximum portum secum peruehunt. Ibi oblatus homo illo morbo laborans à muliere eius herbae succo statim sanatur. Eius rei fama ad eam ciuitatem peruaserat in qua diuino iudicio, eo morbo affici coeperat impius ille, qui fratris filium occiderat. Maximo igitur studio perquisita ad illum heroem se contulit, à quo è carnificis manib. erepta, & diu honestissimè tractata fuerat. In incogniti habitus formam, ne à quoq. nosceretur, se se illa mutauerat; cum qua heros suppliciter egit, ut fratrem aegrotantem curaret. Id factu facillimum esse, ipsa respondit, eamq. ob rem se operam sedulò daturam, pollicita est. Sed necesse esse, dicebat; ut aegrotas coram septem testib. antea vitae suae rationem exponeret, peccataq. omnia proderet. Patefecerat ille omnia, praeter fratris filij necem. Monuit eadem nihil fieri posse, nisi uerè, & ex animo pura omnium confessio esset secuta. Illud. n. primum quaerebatur, ut cuiuscunq. sceleris labes elueretur. Ad id aegrotum frater ualde hortabatur; ut, uel siquid contra se admisisset, fateretur. Fletis miser, inauditum, & atrox scelus detexit. Quod audiens frater obstupuit; &

ubi se è graui dolore recepit, testatus est, se non minus uicem dolere matronae illius, quam proprii filij caedem. Continuo ipsa, quae incognita erat, ne te afflictes, inquit, here, ne ue causa mea excrucieris. adsum illa, cuius in complexu crudelis patruus puerum occidit. Contra illum à me nullum odium exercetur; sed pro malo bonum rependam. pristinam ualitudinem ille sibi restitutam statim persensit. maximis deinde precib. cū illa actum est, ut illic moraretur, ac se se matrimonio cum illo iungeret, quem tam immortalis beneficio affecerat. Illud ipsa expressè negans, paucis post dieb. Romam peruenit; ubi innumerabileis eo morbo contabescenteis sanauit. Id Imperatoris frater intelligens, qui illa lue afflictabatur, mulierem iussit accersiri. Is patefactis criminib. omnib. & praecipue contra ipsam patrato delicto, subito conualuit. Quod cū perlatum fuisset ad Imperatorem; & ipse, & ceteri omnes ciues ualde tristabantur, perspicientes ex ijs, quae sceleratus ediderat, quam impiè, & crudeliter cum innocentissima uxore actum esset, illam iamdiu à seruis illis obtruncatam fuisse existimantes. Eorum moerore, & lacrymas diutius ferre non poterat mulier, quae statim dixit, illa sum, quam uos uti defunctam defletis, quae misera falso accusata, morti etiam damnata fueram. Solidum igitur omnes gaudium gauisi sunt. Ac tot infortunijs iactatam, pudicissimam mulierem, Imperator uxoris, ciues reginae loco iterum adsciscere decreuerant, illam quasi à morte exsuscitatam sibiq. restitutam uidentes. At ipsa, quae in illis infortunijs, Deo castitatem uouès, coelibis uitae ge-

nus

nus sibi delegerat, de consilij sui ratione pontificem certiore fecit. Tibi, inquit, optime pastor apud Deum ratio reddenda erit, si pluris imperatorem, quam Deum faciens, me sacra uitta exornare distuleris, quae Deo futurae uitae meae castitatem sacraui. eius uoluntati morem gerere nil moratus est pontifex.

MIRAC. VIRG. II.

Metu, ac mortis periculo praegnans mulier, maris fluctibus iactata, liberatur.

D Michaeli maximum templum extructum erat, in loco, qui uasto, apertoq. Oceano circumdabatur. iccirco eius adeundi, ob ingentibus maris aestus, maxima erat difficultas. Sed bis quotidie aestus minuebatur; ita ut, qui illac transibant, per siccum littus, eo tempore iter haberent. Quia autem saepe maximo impetu illic se praeruptum mare incitat; uiatores incautos quandoque deprehendere consuevit. Fortè D. Michaelis festus dies celebrabatur, quo illuc multi concurrebant; inter quos grauida mulier, & partui proxima erat. Cùm iam in media illa arena essent, repente iratum mare coepit fluctuare; & cùm ceteri omnes effugissent, sola ibi mulier relicta est. Qui è mortis periculo euaserant, eam illic uersantem intuebantur; eiusque miseratione adducebantur, quae pallida ad coelum manus tollens, Virginis, Michaelisque auxilium implorabat. Illi in mortis metu uersanti regina coeli è coelo dilapsa obuiam

se